

安寧州志

地 350.21
133
12

卷之二

恩恤

兵防

人物

官師

選舉

祥異



安寧州志卷之二



恩恤志 賞忠附

易之彖益曰損上益下民說无疆夫上下之分甚嚴而以損為益非其仁如天者不能象風雷之迅烈而惠民元吉連然貢獻絲枲乃兵燹許首荒蕪之征平世永革限墾之弊奚翹起白骨而肉之若夫賜復蠲租給帛資粟版不勝泐其為益亦何深也况乎太府金錢歲凶計授成仁恤典巽命重申損之又損父老子弟寧能一日

安寧州志

卷之三

恩恤

一

忘耶賞忠附志恩恤

康熙二年

詔以兵荒馬踐水冲沙壓田地許首

報荒蕪免徵條編秋糧

安寧報荒蕪地九十頃一畝九分零報荒蕪田二百

五十八頃三畝九分零

二十年免雲南本年分夏稅

安寧免

十二年

詔許荒蕪田地首報免徵稅秋錢糧二

十五年准發常平倉捐穀恤養無告孤貧令有司

計口放給

三十三年免雲南通省地丁錢糧

安寧免

四十二年

聖祖仁皇帝萬壽恩賜老人七十以上者許一丁侍養

免其雜派差徭八十以上者給與絹一疋棉一劬米一石肉十劬九十以上者倍之百歲者給與建坊銀兩四十三年免雲南通省地丁錢糧安寧免四十八年 恩賜老人絹帛米肉悉如四十二年恩詔之數四十九年免雲南通省五十年分地丁錢糧併歷年逋欠安寧免五十二年 恩賜老人絹帛米肉悉如四十八年 恩詔之數

世宗憲皇帝登極欽賜老人絹帛米肉悉如五十二年

年 恩詔之數雍正元年 恩取額外充附生員

安寧州志

卷之三

恩恤

二

七名老人九十以上者州縣不時存問其或孤寡及子孫貧不能贍養者督撫以至州縣設法恤養或奏聞動用錢糧務令得沾實惠八月十三日

恩賜老婦年七十以上者給與布一疋米五斗八十以上者給與絹一疋米一石九十以上者倍之百歲者題明給與建坊銀兩七年免雲南通省八年分地丁額徵銀兩安寧免十三年免雲南條丁銀

兩安寧免九月初二日

皇上登極恩賜老人絹帛米肉悉如康熙六十一年

恩詔之數詔以給頂生員并老人年八十以上者
准給八品頂帶十月十四日 恩詔冬月嚴寒孤
獨窮民無以爲生着督撫令有司將罰贖積穀酌
量賑濟毋令失所十一月二十二日 恩賜老婦
米布絹疋悉如雍正元年 恩詔之數乾隆元年
詔以從前荒蕪勒限壓墾田地盡行豁免條糧任
人開墾 恩加額外充附生員七名以晚稻被傷
免安寧條丁銀五百五兩二錢六分八厘五毫免
稅秋正耗京斗米三千三百五十一石六合遺官
安寧州志

卷之三

恩恤

三

計口賑飢發銀三千四百九十八兩九錢二年
恩加額外充附生員七名

賞忠

附

雍正九年州武舉羅資袞以貴州平越營遊擊攝
來牛協副將事苗犯台拱奮勇禦敵陣亡奉 旨
羅資袞勇往被害深可憫惻伊子羅雲標着授爲
守備之職不必在軍前効用其羅資袞應得恤典
俟該督題到日照例給與可也

乾隆二年三月十三日 欽賜祭葬文曰

皇帝諭祭陣亡署守備加贈守備羅資袞之靈曰
鞠躬盡瘁臣子之芳踪恤死報勤國家之盛典爾
羅資袞賦性忠直國爾忘身禦敵衝鋒奮勇陣沒
朕用悼焉特頒祭葬以慰忠魂爾其有知尙能歆
享

安寧州志

卷之十三

恩恤

四

安寧州志卷之二

官師志

題名

名宦

勳爵

官署附

王者度地居民設官分職惟郡邑為親民之官故主之以守令輔之以尹尉廣之以師儒司養司教以綏輯民生於安堵者也但興王之廢置因時而勳業之建封異制涖茲瘠土豈乏循良德政仁聲千秋不泯者歟若乃淹沒不傳何以永龔黃聞譽而動蒼赤謳思哉志官師

官制

安寧州志

卷之十四

官師

五

漢設連然縣蕭齊改設安寧郡元設守禦千戶所隨改為安寧州明因之初設知州一員州同一員

崇正州判一員

久裁

吏目一員儒學學正一員訓導

一員提舉司一員

裁移琅井

東橋巡檢一員裁祿膳巡

檢一員裁稅課司大使一員裁常平倉大使一員

裁安寧驛驛丞一員裁祿膳驛驛丞一員裁醫學

一員僧正道紀陰陽典術各一員世知州一員裁

本朝設知州一員吏目一員儒學學正一員訓導

一員醫學一員僧正一員道正一員陰陽典術一

員

題名附

縣長

漢 陳立 臨邛人爲連然長

州守

元 蘇閑

阿哀

孫氏

袁氏

高氏 以上籍貫事實未詳

明 任禹圭 四川崇寧縣人

陳憲 武年任

安寧州志 卷之六 官師

李政

孫原祥 詳名

趙登 陞浙江湖州知府

李智銘 湖廣襄陽人永樂年任

董登 河南祥符人由舉人

楊必興 四川人

楊溫 四川人

韓思賢 四川嘉定人由舉人

聶獻 江西南昌人由進士給事中

任祿 四川宜賓人由舉人

陶文靖 四川長壽人由舉人

楊勝賢 四川人陞西安府知府

萬善 四川南溪人由監生

王華 廣東人由監生

馮廸 直隸山陽人由監生

王楷 廣東東莞人由舉人

楊寧 江西廣信人由舉人

桂寧 直隸貴溪人弘治年任

胡安 湖廣松滋人由舉人

司馬珪 山西洛水人由進士

陳亮 直隸進士陞思南府知府

方琪 福建莆田人由舉人

李麟 四川長寧舉人陞平樂府知府

林元吉 南京龍江衛人

宋澍 廣西桂林人由舉人

伍佐

毛思義

王瓊 俱詳名宦

何仕 四川內江人陞武定府知府

邢國賓 廣西宜山人由舉人

郭宏德 江西人由舉人

王臣 南直人由舉人

吳士達 四川綿州人由舉人

鄭尚進 四川長壽人由舉人

劉上朝 四川眉州人由舉人

劉忠 湖廣武陽人由舉人

安寧州志

卷之七

官師

七

姚大英 貴州人由舉人

張愈 四川瀘州人由舉人

徐守 詳名宦

李東萃 豐城人由舉人陞福建參政

姚繼先 四川成都人陞太僕寺卿

熊之夢 湖廣人由舉人

林喬松 廣東澄海人由舉人

詹天倫 四川綿竹人由選貢

高如嵩 貴州畢節人由舉人

趙世芳 四川梓潼人由選貢

孫良學 浙江山陰人萬曆年任

唐應龍 四川彭縣人由舉人

王律民 貴州石阡人由選貢

王賢 廣東人由選貢

陳余達 湖廣南岡人由舉人

簡而可 湖廣興山人陞姚安府知府

王立仁 廣西全州人由舉人

李巍然 山西合水人由選貢

鍾萬璋 許名

王家鼎 貴州人

夏珩 四川人

陳振琦 浙江人

本朝

邱業 湖廣人由廩生順治十六年任 張斐然 陝西人歲貢康熙五年任

張在澤 江南人由貢生康熙六年任 朱承命 天津人進士康熙廿年任

張學聖 旗下人廕監康熙二十六年任 王 晬 旗下舉人康熙卅二年任

馬秉慧 旗下人康熙三十四年任 高 鈗 旗下廕監康熙四十年任

吳永緒 山東人監生康熙四十九年任 程夢瑛 江南人監生五十四年任

李大榛 旗下人監生康熙五十八年任 呂國祚 順天人監生雍正二年任

安寧州志 卷之六 官師

楊若椿 河南人捐貢雍正七年任

何齊聖 江西金谿縣人癸卯聯捷進士乾隆二年任

州同

元 納鄰不花 至元二十年任

明 李師宗 朱 榮

沈 文 湯 濩

鄭 本 芮 皓

黃 鏞 劉 鼎

蔡大宣 張 琇

歐陽正

徐瓚

王弼

李無

高鵬

李綰

杜璿

倪昂

張時相

任霄

王盲

陳應望

楊叮

薛文祥

安汝職

劉瑄

許應才

陳文源

文寧州志

卷之五

官師

九

朱袞

段守巨

常宗節

應昌煥

欽二寅

江蝕

馮可新

徐元中

張韃

夏曰校

保安人由歲貢自後裁缺

州判

元 楊天佑

明 趙遠

吏目

元 李祥

明 劉廣文

楊威

孫泰

吳祿

吳齡

吳政

強永

覃琛

唐齡

劉子興

李翱

劉琪

蘇祥

何秉茂

陶璽

陳玉

安寧州志

卷之十四

官師

十

王廷佐

施廷璧

王道

鍾正

蔡時寵

張宿

張翬

郝應科

殷萬國

呂協

諸息

林集鸞

郭應朝

胡侯文

張二南

鄒脩和

戴鵬程

鄒應春

王有司

楊彰

吳三仕

江上龍

沈應龍

黃命名

本朝

王瑞

江南人順治十七年任

林百治

北直監生康熙二十年任

章自建

浙江人監生康熙二十九年任

袁文煥

河南人康熙四十四年任

周德遠

浙江人監生康熙五十五年任

章應魁

順天人監生雍正八年任

王禮

江南人由納吏乾隆元年任

劉連璧

北直人總吏乾隆四年任

張錫玉

河南閩香縣人由監生乾隆四年任

安寧州志

卷之十四

官師

十一

學正

明 邵賢

姚成

朱成

李素

陳元

汪宗

羅銘

李珊

龔諫

危以泰

徐種

吳時中

陳嘉謨

尹民瞻

湯傑

劉光大

鄧克

包良臣

薛大表

楊相

龔天與

楊自新

林曦

趙李化

郭岳

李應發

楊時茂

田得龍

周良翰

陳學孔

黃金鐘

張九臯

本朝

安寧州志

卷之十四

官師

三

魯大儒

湖廣人由貢生順治十八年任

張經世

江南人貢生康熙四年任

韓名伯

路南州舉人康熙二十五年任

李鏡

石屏舉人康熙廿九年任

李純嘏

彌勒州舉人康熙四十一年任

馮玉珮

廣西舉人康熙五十五年任

于定國

景東府歲貢雍正六年任

李廣生

新興州舉人雍正十三年任

訓導

明羅觀

高顯

劉珣

郝哲

余煥

朱光正

鄭鏞

李崇嗣

米朝用

萬士安

余學

楊瓘

李華

張治策

楊惟德

段鍊

楊如蘭

沈希元

黃體坤

張任弼

李承恩

童遵

李聯魁

孫世胤

安寧州志

卷之十四

官師

三

王資儒

楊有培 如蘭子

馬養正

本朝李

芬

臨安人 由歲貢

段如蕙

澁江貢生 康熙廿四年任

沈乘漢

永昌人 由歲貢

龔受祿

尋甸州歲貢 四十六年任

王士鰲

江川縣歲貢 康熙六十年任

台見垣

臨安府歲貢 雍正五年任

且弼

阿迷州歲貢 乾隆二年任

楊淑裔

路南州歲貢 乾隆三年任

名宦附

明

李

著

順天人 由進士任雲南布政司左叅政 傳詳通志

毛思義

山東陽信人 由進士任安寧州知州 歷陞都察院右副都御史 公初下

問疾苦除夙弊愛民禮士無忝循良

伍佐 湖廣新化人由舉人任安寧州知州

不敢欺民歌曰
伍州牧明如燭

王瓊 四川成都人由舉人任安寧州知州

政簡刑清士民歌頌重新州學百廢俱興

徐守 江西臨川人由舉人任安寧州知州

陞四川烏撒府同知公均差平賦教化大行政績循聲久而益著

孫原祥 浙江黃岩人由監生任安寧州知州

居官廉潔立法嚴明吏畏其威民懷德其

安寧州志

卷之六

官師

高

顧標 福建莆田人由進士任安寧提舉司

劉珣 四川南溪人由舉人任安寧訓導教

劉光大 四川宜賓人由選貢任安寧學正師

範端嚴持已廉介兩齋課士有胡安風定

喻應牙 四川人由貢生任安寧訓導博學工

文造士有法州中科名日盛多荷裁焉成

方沅 福建莆田人由進士任安寧提舉司

清釐鹽政商民咸戴工文章多著述萬曆年間擢督學品騰公明

鍾萬璋 廣東汝源人由選貢崇禎五年任安

寧知州仁明廉靜無賊安民重新文

廟捐買田地於大峭以贍諸生科舉卷金盤費士民感戴於南門內豎碑建祠祀之

本朝

洪承疇 經略

李天浴 巡撫

甘文焜 總督

李興元 觀察

趙良棟 總督

蔡毓榮 總督

范承勳 總督

許弘勳 觀察

謝于道 學使

石文晟 巡撫

劉蔭樞 布政使

以上係奉 憲文入祠爵里詳通志

安寧州志

卷之古

官師

五

世襲知州 附

明董節

本州人以勇略聞善騎射通左氏春秋洪武時有董定者恃其膂力過人

欲約節斷藤橋以拒大兵節不從同叔賜率家兵五百名自白水迎王師導官軍濟

安寧大渡口駐兵甸頭以通迤西之喉舌定來逆戰節同官兵討之飛矢貫臂節拔

鏃泚髮士氣益奮遂擒斬定於堂琅川中人填兩岸川水為之不流大將軍穎川侯

褒之以書後以貢馬詣闕下馬羣嘶明太祖嘉其忠誠授節奉訓大夫世知安寧州

事節還立學校建州署課農桑教樹畜民俗為之聿新一傳福海再傳玉三傳方四

傳沂五傳堂六傳民表七傳希文皆世其職

官署 附

州治衙署

明洪武十五年署州事富民縣王簿吳登建景泰二年知州萬善重修

大門樓三間

儀門三間

大堂五間

捲棚

三間 左右六房

二堂三間

知州邱業重修康熙四十五年

州守高鈔重修

三堂三間

內室三間

後樓三間

二堂左萊根亭

惠風亭

書房三間

寅賓

館三間

知州邱業重建

土地祠

在儀門左

旌善申明二亭

州前左右吏目衙署

州治右

安寧所衙署

州治西南久廢提舉

司衙署

在州西久廢

土官衙署

在州治東久廢

兩分司

太極山麓

左為布政司行署右為按察司行署今廢

溫泉公館二所祿脹公館今廢

安寧州志

卷之六

官師

六

祿脹巡檢司

今廢東橋巡檢司

久廢其基址歸儒學載學田碑記

演武場

州南城外二里今廢地入關聖朝

天官府

州城內北楊文襄公祖居

升庵贈聯云奇才海內無雙士元老滇中第一家

安寧州志卷之二

兵防志

塘哨

堡舖

郵傳附

古者兵寓於農故入則力田孝悌出則捍敵忠君內外胥賴也後世師之以爲屯衛雖無轉餉之費久而易失之弱自民出費以養兵兵出力以衛民雖兵與民二而積強之勢成焉安寧上連省會下通西迤路當孔道所係尤重累朝不無建設若武職兵丁關哨郵傳堡舖星羅碁布指臂相連呼吸相通所以固金湯安民社計久

安寧州志

卷之十五

兵防

七

安長治者盡善矣志兵防

漢唐安寧兵防遠不可考自元憲宗破大理易安寧郡爲守禦千戶所屬陽城堡明太祖十五年平雲南二十四年置安寧守禦千戶所設正副千戶各一員百戶十員三分馬步旗軍三百三名七分步軍二千二百名舍丁八十五名軍餘三千五百二十九名以客土官兵一百二十名駐安豐營本朝順治十七年置守禦千戶所康熙五年裁惟置塘哨分雲南城守營兵丁護送文書盤詰奸宄乾

隆二年添設汛兵十六名以雲南城守營把總一員駐安寧州共馬步兵七十五名

塘哨附

安寧塘 舊館驛塘 糞粃舖塘 西寧哨 平

定哨 游得高塘 青龍哨塘 大哨塘 安

豐營塘 三泊縣塘 馬廠塘 鳳儀村塘

永安哨廟兒山土人守黑泥哨秧田沖後火廢

堡舖附

安寧堡城內祿脹堡州西煉象堡州西前舖城內始甸舖

安寧州志 **卷之五** 兵防

六

東州草舖州西祿脹舖州西

郵傳附

安寧驛裁祿脹驛裁

守禦千戶附

劉倫陝西人性剛直有胆畧順治己亥以守備隨征入滇署安寧所事時潰兵肆掠

州人潛避倫遣使招集入城充間塞巷發倉粟賑貸全活甚衆更能制服悍兵秋毫無擾人獲安堵數月調去士民無不泣下樹碑南關頌其德至今思之

把總附

曹世英臨安人由行伍乾隆二年任

李定國
四川成都武舉
乾隆四年任

安寧州志

卷之五

兵防

十九

安寧州志卷之二

選舉志

進士

舉人

歲拔

武科

薦辟

封贈

恩廕

坊表

塚墓

周以鄉三物教萬民而賓興之造士選士之典
詳而且核至漢魏六朝或舉賢良方正孝秀諸
科命公府郡國辟之皆本鄉舉里選之義因時
定制務在得人及唐宋元明總歸科目尤以進
士為光榮安寧自文襄而下德業文章彬彬可
數至鄉薦明經亦多表表當世方今

國家創制三途并用文武兼收舉辟賜級之典屢

安寧州志

卷之六

選舉

三

下士人已極顯揚至若鄭公通德董相邛墳抑
亦榮哀之一端也志選舉

歷科進士

明成化壬辰科

楊一清 官大學士贈太保諡文襄

嘉靖癸未科

張素 官右都御史巡撫四川

萬曆壬辰科

朱化孚 官湖廣按察使司廉使

戊戌科

楊師程 官御史巡鹽河東

辛丑科

趙日亨 官貴州左布政使

崇正辛未科

陳璽 官湖廣辰沅兵備道

本朝 康熙甲戌科

劉凌雲 任北直平山知縣

丁丑科

安寧州志

卷之六

選舉

三

段曦 任吏部郎中 考選掌河南道御
史兩任 秦豫鄉試主考 予告

庚辰科

段昕 任福建連城知縣 行取補
戶部湖廣司主事 予告

乾隆丁巳

恩科

戴成憲

歷科舉人

明永樂辛卯科

楊靖第六名任主事

甲午科

張壽第一名

張敏二十一名任四
川筠連訓導

施澤三十五名任山
東平度州同知

丁酉科

洪玉第十二名

李讓三十四名任四
川江津縣丞

庚子科

安寧州志

卷之五 選舉

二十二

楊良十一名

李純三十四名任四
川濠流典史

癸卯科

施瑜第二名任四
川梁山縣丞 楊政十六名任南
京右衛經歷

楊景三十一名任廣
東化州同知贈光祿大夫

張洪四十四名

宣德丙午科

李榮第五名任四
川合江知縣

正統甲子科

李智第四名任四
川馬湖府訓導

丁卯科

朱璿 十九名任河南衛輝同知陞四川成都知府

景泰庚午科

董璘 二十八名任江西永寧知縣

癸酉科

張佐 十四名任四川南部訓導 王儼 三十三名任江南吳縣知縣

李傑 四十五名任直隸知縣

天順己卯科

楊洪 第一名勅贈進士 李儀 十一名

安寧州志

卷之六

三

成化戊子科

楊賓 七名 楊一清 中京舉登王辰進士

辛卯科

張守貞 七名任直隸江陰知縣 馬友諒 十六名

甲午科

李寬 八名

庚子科

楊瀚 三十一名任藩府長史 劉昱 三十八名任直隸無為知州

癸卯科

張純 二十五名任四
川青神知縣

丙午科

楊傑 三十五名

弘治壬子科

楊齊賢 三十一名

辛酉科

董資元 八名任四川
馬湖教授

甲子科

張鳳舉 十五名

安寧州志

卷之六

選舉

雷

正德丁卯科

張鳳翔 八名

楊表 四十八名任四
川瀘州同知

庚午科

朱尹 二十七名任四
川巴州知州

癸酉科

黃寬 三十三名任順
天宛平知縣 李元素 三十八名任四
川綿竹知縣

丙子科

劉官 三十名任四
川榮昌知縣

己卯科

張素七名登嘉靖
癸未進士

嘉靖乙酉科

楊茂五十五名任湖
廣岳州通判

丁酉科

楊錫文八名任江津知縣
陞饒州府同知

張舜民二十九名

庚子科

王畿十四名任湖
廣宜賓知縣 陳孟章二十名任南
京戶部主事

癸卯科

安寧州志

卷之六

選舉

五

李岐鳳十六名任四
川金堂知縣 李時茂二十一名任四
川榮縣教諭

傅以智二十四名任直
隸寧國教諭

丙午科

張燭十六名任直隸保定府同知陞
鹽運司運同誥封奉政大夫

乙卯科

施從教十八名 李世芳二十三名

甲子科

施從政十四名任
大竹知縣

萬曆丙子科

李友松 二十八名任四川南溪知縣

巳酉科

施電 八名任四川漢州知州

壬午科

張輔宸 三名任四川江津知縣 李正芳 十八名任通州知州

段遼 二十五名 楊堯仁 二十六名任湖廣寶慶同知

羅大器 三十二名任湖廣岳州知府

乙酉科

羅大用 二名任湖廣華容知縣

安寧州志 卷之六 選舉

戊子科

趙日亨 二名登萬曆辛丑進士 朱化孚 十九名登萬曆壬辰進士

辛卯科

張鶴翼 二名 楊師程 十六名登萬曆戊戌進士

甲午科

楊鳳 十三名任貴州副使 張鷟 二十八名任燕湖知縣

錢重義 二十六名任山西泌水知縣

丁酉科

李逢亨 七名任貴州思南推官

癸卯科

楊廷光 三十三名

巳酉科

朱敬修 四名

壬子科

朱葵 二十二名任 張之珍 二十三名任

楊廷儁 四十二名

乙卯科

傅興高 二十一名 傅遇高 四十六名

安寧州志 **卷之六** 選舉 七

天啓甲子科

李伯薇 四名 張元化 二十八名任江

丁卯科

傅台 六名任合 張騰蛟 四十六名

崇禎庚午科

陳璽 十三名聯登

癸酉科

張堯年 二十二名任

丙子科

段 緯 四十名任
慶都知縣

己卯科

陳達道 第一名任
貴州副使

壬午科

楊 泰 二十七名
任知州

段拱宿 十九名

本朝順治辛丑補行庚子科

陳蒙俞 十名任
曲靖教授

陳 瑞 十八名任
元江教授

羅天柱 三十五名任
石屏學正

楊汝翼 四十九名任
河西教諭

武 靖 五十一名任
陽宗訓導

安寧州志

卷之六

選舉

三

康熙癸卯科

張慎餘 三名任
江教授

丙午科

李 垚 二十三名

己酉科

李 信 十三名

甲子科

楊邠俊 八名現任
麗江教授

施 樵 三十名任
通海教諭

丁卯科

劉凌雲十三名登
甲戌進士

庚午科

羅允怡二十一名任
廣南教授

癸酉科

段曦十二名登
十五進士

丙子科

吳恪五名起
錢子

段昕九名登庚
辰進士

李嗣奎十二名任蒙
化府教授 朱瑛十三名任江
南石埭縣

楊匯二十六名 周岷三十九名

安寧州志

卷之六

選舉

五

李上發

張惠可京舉

己卯科

謝蕃南三十二名任
北直長垣縣 戴益懋三十四名任
湖南沅江縣

乙酉科

陳峒十一名
王振子

陳玉振三十三名任
太和縣教諭

戊子科

李璣五十名任山
東濟寧州同 謝履寬

辛卯科

羅資展二名秉
義子

包曰亮十七名

段一駸六十名任湖南長沙府醴陵縣斯長子

癸巳科

蔣溥源九名任陝西臨蘭同知段一驤十七名任河南唐縣斯次子

段一麟二十二名曦之子

甲午科

王恩來二十三名關繩武三十五名任建水州學正

謝岱五十五名履寬子陳峻德六十名蒙俞姪孫

丁酉科

戴益高十七名任路南州學正體元子

安寧州志

卷之六

選舉

三十

陳瑞五十二名

庚子科

段化鵬三十四名

癸卯恩科

葉潤三十三名

補行癸卯科

陳涵十六名

戴國憲三十六名任通海縣教諭益俊次子

丙午科

楊世運四十九名
淵之子

巳酉科

戴成憲二十一名
登丁巳進士益懋子

楊正春五十九名
錫袞子

壬子科

李于蕃十八名
仁之子

乙卯科

段欽元三十七名

丙辰科

安寧州志

卷之六 選舉

十一

賀乾元六十一名
任南寧縣教諭

歷年恩拔歲選貢生

明洪武年

周顯

蘇善道任湖廣黃梅知縣

周謙任臨安教授

段章任交趾檢校

蘇益

蘇海

施均裕任交趾道御史

楊應任浙江溫州府檢校

張海

陳志

永樂年

李景任交趾南弘知州

楊益任刑科給事改四川成都府知府

安寧州志

卷之六 選舉

三

張景

馮信

王景任阿迷學正

楊興宗任寧州學正

楊保任順天府檢校

施慶任四川筠連知縣

張斌任陝西鹽運

羅英

楊廉

楊福

施惠任湖廣華容縣丞

楊文進任山東主簿

宣德年

段溫任湖廣知事

李文任廣西洛容知縣

張顯

施福任燕山右衛經歷

楊福山 任廣西太平知事

正統年

段子淵 任直隸完縣丞

段誠

李用 任河南開封照磨

張永 任江西餘干縣丞

李奇 任湖廣新化千戶所吏目

王蕙 任貴州照磨

楊宗 任潘府典寶

李至善

李文材

趙嵩 任四川成都衛經歷

景泰年

張和

李貴

文寧州志

卷之六

選舉

三

董明

段容 任四川重慶檢校

李春

段衍

張讓

李彬

天順年

楊勳 任四川江津主簿

袁敬

王賢

張俊

成化年

李皓

李崇

李勉

李瓚

李珪 任浙江杭州照磨

段智

趙璟 聞永芳 任四川訓導

張元 趙文傑 任四川達縣主簿

鄭節 楊宏

蘇皓 任四川綿竹訓導 段讓

管泰 傅銳

熊敬 施敬中

陳慶 董志道

周慶 楊愈

安寧州志 卷之六 選舉 三

弘治年

楊德明 任龍陽知縣 張傳

李溥 李芝

孫恕 任四川龍州訓導 張彬

傅沂 段紀 任四川訓導

陶密 劉潤

楊燦 劉進

施相 李昭

正德年

董居仁

李儒 任姚安教授

趙瓊

趙榮

郭琛

丘陵

施春

張璇

李一惠

宋昂

張餘慶

李璵

戴嵩

尹寧

董齊

劉皜

嘉靖年

安寧州志

卷之六

選舉

三

傅桐

劉宰

周東

施邦寧

施榮

朱俸

段克已 任蒙化教授

傅楫

高松

楊好賢

楊澳 任四川達州學正

張應台

董書言

丘天彝

張維化

董書中

張鳳岐

張鶚 任陝西教諭

武維揚

黃本中

楊茂春

楊維

楊戎

楊來鳳任大姚教諭

錢山

楊紹

陳敬祖

張樹

傅嶠任蒙自訓導

陳雲鵬

張希元

段可立

丘文榮任四川塾江訓導

郭承恩貢元任勸州訓導奉選按旌

清平衛教授入祀劔川名宦

朱之垣

安寧州志

卷之六

選舉

三

劉金

傅以恭任興安教諭

張容民

袁茂春

袁吉任石屏州訓導

丘文舉

傅以裕任蒙化教授

蘇民望

趙禧任南安訓導

李瓊

楊世爵

隆慶年

李陽鳳

劉舜臣

朱運从

張宜民

萬曆年

陳道

李自榮

高士

張雲鴻

楊田龍

楊文政

張光先

王國賢

任臨番
衛教授

傅九章

任景東教
授入名宦

王翰

張夢麒

吳承訓

楊尚檢

楊同芳

董維

段持廉

安寧州志

卷之六

選舉

三

李芳

楊宗孔

楊元德

王元中

楊三策

楊三奇

張夢杏

王錫恩

李允恭

蘇江

楊三才

楊鳳翔

張擢

張佩

朱孔陽

董書

楊筌

陳嘉樂

朱德孚 任安順 經歷

楊三錫

朱組綬

施孟學

李為棟

張朝綱

胡精義

張中茂

侯紹榮

張所見

蔣一柱

王勸農

王愛民

泰昌年

張大為 任浙江布政司經歷

安寧州志

卷之六

選舉

六

天啓年

傅天寵

羅九有 任兩浙鹽運司通判

陳嘉徵

段思中 任河南魯山教諭

崇禎年

施以攸 任山東濟南教授

張履謙

王御極

趙瑜

曾世慶

趙珣

李捷先

趙琰

張所知

趙弼 任廣東象州教授

李維州

施其恭

李文華

曹大賓

郎存恭

朱重

技貢任鎮江通判

楊宗震

沈滋梧

王奇望

陳藻

劉自東

本朝順治年

陳之龍

王弘道

吳邦翰

副榜拔貢

安寧州志

卷之六

選舉

三九

康熙年

董縉

恩貢任畢節衛經歷

王化淳

張為龍

張棟

羅昌濬

任劔川訓導

楊附郭

易知

黃景昉

李苞

李仁

現任祿勸訓導

羅秉義

庚午副榜拔貢現任陸涼訓導

戴體元

周家鼎

吳起錢

錢懿

段拱新 恩貢 忻曦父 永平縣教諭 朱維新

趙履祥 楊方震 任平彝縣訓導

陶璧 李茂

楊樞 印清父 甘和 任新興州訓導

賀國寶 乾元父 陳玉書 乙酉副榜

邱傳世 任石屏州訓導 劉瑄 任永平縣訓導 凌雲子

戴益俊 恩貢 國憲父 羅允慥 天柱子

楊淵 世運父 楊彥鄉 邠俊弟

楊文選 施天畢

安寧州志 卷之六 選舉 四

彭錫慶 恩貢 王通 任通海縣訓導 昆陽學

雍正年

朱嗣趾 拔貢 任永北府訓導 李文昇

郎士表 存恭曾孫 羅允恒 天柱子

楊印清 汝翼孫 周斌 壬子副榜

楊曦亞 拔貢 考授州判 章煥 昆陽學

保錚

乾隆年

李昇 獻箴曾孫 楊錫衮 正春父 鄉飲大賈

李左原

楊御俊

陳汝瑛

援
峻德子

安寧州志

卷之十六

四

武科

本朝康熙甲子科

黨仲印 登乙丑科武進士昆陽學 施 楷

庚午科 安寧中武科始此

羅啓斌 楚姚鎮千總署守府

癸酉科

楊居業

丙子科

張 岱 任臨沅鎮千總昆之兄

安寧州志

卷之六

選舉

四十一

已卯科

羅資袞 秉義子

張 瓚

乙酉科

楊廷模 提標千總

游 錦

王 恂

癸巳科

黃 城

丁酉科

曾俗

庚子科

王來賀

張崑 俗之弟

吳詔

唐通

雍正癸卯科

曾其明 俗之姪

壬子科

陳鏜

乾隆丙辰科

安寧州志

卷之六

選舉

四

王超

張燦

薦辟

楊一清

字應寧本州溫泉里人舉奇童為翰林院秀才中順天辛卯鄉試登成化

壬辰進士官大學士功著邊疆名垂簡策省州俱祀鄉賢

羅廷寶

號方塘以異才授山東鄒平丞告養歸田絕意仕進壽九十一而終崇祀

鄉賢

封贈

明朝

楊

忠

以子靖封承德郎戶部山東司主事

楊

煬

以子瑋贈徵仕郎濬陽右衛經歷

楊

情

原任行省中書經歷以曾孫一清贈光祿大夫柱國少保兼太子太保吏

部尚書武英殿大學士

楊福山

以孫一清贈光祿大夫柱國少保兼太子太保吏部尚書武英殿大學士

楊

景

原任化州同知以子一清加贈光祿大夫柱國少保兼太子太保吏部尚

書武英殿大學士

安寧州志

卷之六

選舉

四

朱

成

以子璉贈奉直大夫四川保寧府同知

楊

表

原任四川瀘州同知以子錫文任新津縣贈文林郎

朱

琇

以子尹贈奉直大夫四川巴州知州

張

偉

張希元

原任巫山縣教諭以子燭贈奉政大夫直隸保定府同知

朱運久

原任海北提舉以孫化孚贈通議大夫湖廣按察司

趙

崑

以孫日亨贈通政大夫四川右布政使

楊

乾

以子師程贈山西道御史

趙

禧

原任鎮雄府教授以子日亨贈通政大夫四川右布政使

楊尙節 以子鳳贈奉政大夫淮安府同知

朱祖纒 以子化孚贈通議大夫湖廣按察使

陳達孝 以子璽封修職郎南京國子監博士

本朝

劉 傅 以子凌雲封文林郎北直平山縣

段拱新 以次子曦封文林郎廣東靈山縣

朱祚遠 以子瑛贈文林郎江南石埭縣

楊拔英 以子邠俊贈文林郎奉天蓋平縣

李三台 以子嗣耄贈文林郎蒙化府教授

安寧州志

卷之六

選舉

四

李大用 以子瑗贈儒林郎山東直隸濟寧州同

戴體元 以子益高贈修職郎路南州學正

戴益俊 以子國憲贈修職郎通海縣教諭

朱 淳 以子嗣趾贈登仕郎永北府訓導

恩廕

楊紹芳 以父一清廕中書舍人

楊 元 以從叔祖一清廕中書舍人

羅雲標 以父資袞陣亡恩廕平越營守備

民爵

趙起勳 州民以雍正二年力田老農恩例奉旨准給八品頂帶

陳荷俞 州庠生以乾隆元年生員年過八十恩例奉旨准給八品頂帶

李賓 州庠生以乾隆元年生員年過八十恩例奉旨准給八品頂帶

楊廷標 州民以乾隆元年年過八十清白老人恩例奉旨准給八品頂帶

安寧州志

卷之十六

民爵

三十六

索墓在州西二十里貴州左布政使趙日亨墓在虎

邱山御史楊師程墓在岱晨湖廣按察使朱化

孚祖墓在州城東洛陽山湖廣辰沅兵備道陳璽墓在

山北本朝贈奉政大夫掌河南道監察御史段

拱新墓在羅勅授承德郎戶部湖廣司主事

段昕墓在羅誥授奉政大夫掌河南道監察

御史段曦墓在羅勅授文林郎平山縣知縣

劉凌雲墓在虎邱

漏澤園在東安

安寧州志

卷之六

選舉

六

義塚在南門武安王廟後康熙二十四年州守朱承命捐買置

安寧州志卷之二

人物志

鄉賢

列女

人物

隱逸

文學

方技

忠孝

流寓附

仙釋

考漢史自本紀世家外凡勳業德器才藝聞望之超卓者以及文學節烈高隱一行足傳之事莫不各列傳略昭示來茲安寧為滇西首都清淑渾厚之氣不鍾於物而鍾於人石淙相業彪炳先朝歷考文獻後先輝映數百年中德藝文行漸與齊魯大邦無異至於巾幗而凜凜鬚眉

安寧州志

卷之七

人物

完

田野而彬彬節義幽光潛德互與山川相發漢史之所紀載亦可於此徵其概焉若夫象教足以戒貪淫風土堪以羈賢哲亦載籍所不廢者附之志人物

鄉賢

唐

王仁求

本州人唐使持節河東州諸軍事河東州刺史上護軍教民以生聚阜財之道

賦役均平恩義兼濟人心咸服彝風丕變墓在州南境內唐博士閻邛均撰墓碑銘今存

王善寶

仁求子唐雲麾將軍行奉鷹揚衛翊府中郎將使持節河東州諸軍事兼河東

州刺史上輕車都尉新昌縣開國子有治績尤善書邛均碑銘卽其筆也

明

楊

益字用謙永樂初以貢入太學明成祖夜

羣臣無衣朱者公時以國子生隨朝因天寒著赤壇衣於藍衫內上見大悅欲以鄉貳入座待之冢宰以為非宜遂授兵科給事中歷陞工科左右給事中上常召與對奔時以手撫之恩遇篤至洎仁宣二朝乃出守漢中又調繁咸都遂告歸里居鄉人品貴重士民莫不仰之

楊

靖歷官郎署無間鄉評

張

壽永樂甲午鄉試第一四為廣文祭酒李時勉翰林孔友諫皆贈以嘉言

安寧州志

卷之十七

人物

季

楊

景永樂癸卯舉人任霸州判天順庚辰以化州州同致仕占籍巴陵事詳人物志

楊

一清字應寧號遂庵別號石淙本州溫泉里人舉奇童為翰林院秀才中順天辛卯

鄉試登成化壬辰進士由中翰出為山西提學力祛夙弊學政為之肅清再任陝西提學創立正學書院作興士類所拔識之士卓冠一時大魁天下者二人曰康海曰呂柟尤稱學行之最及擢右副都御史督理茶馬鹽政條上事宜多所匡濟比巡撫陝西修復花馬池諸要害亭障固原之警單騎馳至瓦亭會主帥曹雄談伏備禦隨奉勅總制三邊經略河套條陳修築增設防禦六事皆為劉瑾所格罷歸會安化王反于寧夏復起用公公乃謂監軍張永曰寧夏事且暮即有捷音但內變不測為可慮耳已而擒賊報果至張永驚服乃請竟內變之說公取永手畫一瑾字永作邊遠不敢任狀公又密授永策永一一如

其言以行武宗乃取瑾戮之因召公為戶部尚書加太子太保尋改吏部尚書恩加少傅入內閣常因灾異自劾且言時事失宜朱寧等嫉之乃謝病致仕嘉靖乙酉復起兵部尚書總督陝西冬復召還內閣世宗待以腹心後張璠桂萼以被劾罷歸其黨疑劾璠萼之疏實公所使遂上疏毀公上亦不問及璠復召還內閣公屢疏求退遂致仕尋削籍嘉靖二十八年贈太保諡文襄公自謂生於滇南長於湖南老於江南故晚號三南居士卜籍京口猶不忘石淙因以為號生平著述甚富有關中奏議獻納稿石淙等集行于世李東陽為之記稱其功著邊疆名垂簡策省州俱祀鄉賢

張

素

字季文別號碧泉生有異相額端有肉如絳珠然登嘉靖癸未進士歷官湖廣兵備茶陵時出方畧平靖賊巢欽賜金帛後巡撫四川復以軍功賞賚無算及乞休歸里

安寧州志

卷之七

人物

五

淡泊寡營家無儲積以才諳著聞屢擢起用皆不就自著史鑑撮要碧泉詩集等書藏于家祀鄉賢

張

維

生而穎異絕意科名文章行誼為後學模楷每於日用處體認天理隱居讀書該通六藝著詩文若干卷與楊林蘭茂齊名時人為之語曰楊林有蘭安寧有張焉

朱

尹

號朗亭中正德庚午鄉試初任崑山學諭陞國子監助教聲傾六館守巴州多善政歸里淡然寡營崇祀鄉賢

張希元

號二溪振鐸瀏陽巫山二庠德行文章卓有異績以子燭馳封保定府丞樂與鄉人為善始終不怠今人猶仰其高風崇祀鄉賢

傅以恭

字默庵以歲薦入太學選授四川興文縣諭未幾致仕諸生留之不得蕭然而

旋縣有薦紳遣使致書餽贐甚厚公受其書而返其贈居林下捐貲救患喜周恤蜀祀名

宦州崇祀鄉賢

陳孟章

號靜齋博洽能文尤長於詩以嘉靖庚子鄉薦歷仕戶部主事清操彌厲年老

告歸怡情山水所著有詩文若干卷崇祀鄉賢

朱運久

號蓮峯隆慶元年恩貢初選東昌通判陞海北正提舉請告歸居鄉不輕入公

府干預時事不置田宅僮僕守法鄉人至今稱之其子祖纓貢生不仕以理學名所著之

錄多語語崇祀鄉賢

趙

喜字念庭性謙慈尤博雅由明經司鎮雄

友歿即焚券所貸必償曰庶可見知己地下也以子日亨貴贈右布政使崇祀鄉賢

安寧州志

卷之七

人物

七

羅廷寶

號方塘以異才授山東鄒平丞告養歸田絕意仕進輕財樂施鄰里有水災不

能出門戶者輒餽米相濟有市油者傾其擔哭甚哀為償其值舉外姑之喪歸葬成禮且

施棺瘞骨陰德過人庭訓嚴明二子雖貴必不乘車猶徒步疇戒農事老亦未嘗輟焉

壽九十一而終崇祀鄉賢

楊尚節

號連洲今人古心行敦樸素綽有先民之風陰功見于焚券奇事聞于還官以

一經訓子而兩受誥封崇祀鄉賢

張

燭號旭峯博洽工文尤精真草書法居躬持重有雅量領正德丙午鄉薦歷仕長

蘆鹽運運同著有能績兩蒙賜金及解組歸林條革里甲夫馬均平差糧邦人賴之所著

有日知集行世崇祀鄉賢

傅九章

號龍山由選貢任景東教授誠篤相先訓課有法諸生莫不相觀而善居鄉極

其謙和終身無二色壽登九十崇祀鄉賢

朱祖纓

號洪字髫年入泮學期大成老而退耕里高勁節督課諸子一以清白先之四

膺恩誥壽逾八旬崇祀鄉賢

楊師程

字道南號景明生有異質聰慧絕倫補郡弟子員每試輒優等領鄉薦就祿新

鄭諭戊戌成進士為楚湘陰令清通抑豪種種善政及報最拜御史獻納糾彈有風力凡

請訓儲請考選指陳邊事不一而足按部河東清魚鹽豁商逋十餘萬條議十數上咸奉

俞旨時上鄭重臺差在晉五年不代太孺人益耄三請終養未報而計至抵廬未幾以哀

卒公慷慨有大志言論英發文章事業炳耀當時天下莫不知其節敢言所著有疏草行

安寧州志

卷之七

人物

聖

世於

趙日亨

號貞所萬曆辛丑進士由太常博士選御史福藩之國中使躡丈膳田騷動連

省亨抗疏調畫得允萬曆中山東歲飢民亂劫東平章邱諸邑奉命巡按請蠲賑撫脅從

乃底定有監司恃妻父為首輔行殊不法亨劾之并及首輔由此外轉川南兵憲值奢會

叛捐俸募死士斬叛目黃光輝等率董卜高揚兵解省城圍晉秩賜金卹雅皆有祠祀之

後以黔左轄致仕著寤寐歌樓集行于世崇祀鄉賢

朱化孚

號岱晟性聰穎具藻鑑登萬曆壬辰進士初任行人主試黔省得王潘費諸大

臣及任兵曹上書北闕凡非尺籍什五而以虛名耗蠹者悉驅除之既掌武選條選六事

至今抄選有法成遣有籍併敘有例援納有禁雖更百曹郎無能輕變其法隨有銀夏之

擢錢穀必清斥堠必謹浮冗必斥至於參黔
藩而止營兵之亂司楚臬而稱刑法之清予
告歸里結詩社日與親友故人爲文字飲繼
奉旨講學閭里爲榮所著有賁幽吟陽城紀
勝行
世

楊

鳳

字明正號虞廷萬曆甲午舉人初任蜀

爲順慶別駕攝府事賑飢全活甚衆蜀
人祠祀之遷刺淮之海州築堤遏潮以通鹽
船歲省運費累巨萬青兗飢民流徙海郡公
拯活以數萬計招集流亡千餘給以牛種復
業開墾三百餘頃遷南康爲海人遮畱得請
加淮銜借冠凡守海十一年薦揚者二十九
紀錄者十二又捐助遼餉四千一百八十緡免
民加派會部按交剡公卓異有旨優卓加四
品服俸二守太原擒妖定傾多著異政尋遷
順慶太守值奢變公練兵助餉殫竭心力賊
不敢窺入覲晉黔憲引疾歸以蜀功晉階錫

安寧州志

卷之七

人物

焉

鏹州里榮之公爲人岳時淵停不妄言笑人
罕見其喜怒之容居鄉雖兒童走卒皆服其
德量黔國沐公以師禮延之而受教焉兩奉
人才啓事墜臥不出結舍蔥山之畔耕雲釣
月崇祀
鄉賢

羅大器

號滄岳萬曆壬午舉人任山海別駕清

權貴高淮肆虐獨力砥柱罷歸士民攀轅載
道立祠祀之居鄉二十餘年後復起用歷陞
岳州府知府丁繼母艱歸絕跡公門
官師鄉黨雅推重之通志入鄉賢

陳達道

字礎霞號慰蒼方總角邁鳳賊難父爲

賊所執刺刀焉公以身捍父力蔽之諸
酋感激舍去年十五父卒事母四十餘年一
錢一穀咸稟命焉母疾請以身代者三嘗藥
屢月不解帶里中稱陳孝子云崇正己卯以
投貢中鄉薦第一于時咸謂孝感所致始判

潯陽有惠績陞守石阡時藍苗內訌流寇外逼阡城竄空者累月公至募兵死守擒賊首邢有富等五十餘名時葛彰司脅從民數萬已檄下議勦公夜詣軍門力白其冤盡釋之以功拜監軍副使行府事尋拜安普副使卒於官崇正十四年舉孝入憲綱具題旌揚崇賢祀鄉

陳

璽

字泰籛號石寶幼穎俊稱奇童十三補弟子員學使陳公康公竝器之弱冠聯

捷辛未陳于泰榜始任維揚教授調南太學博士南禮部主事轉北禮部主事出僉辰沅兵備時流寇所在剽掠公擒獲訊實覆囊沉江湖南稍靖丁艱回籍及明亡隱於邛壑短褐藤杖陶然自得惟事飲酒賦詩人不知其為宦仕惟仁孝簡靜居鄉不治生產石田數畝皆先世所遺卒之日賴刺史邛公貸之以成喪禮及維揚門人張在澤時任三泊縣令

安寧州志

卷之七

人物

七

亦致賻焉同譜大司農王公歸里往弔致哀而去所著有大極圖說上元詩集若干卷崇

祀鄉賢

趙

珣

字璞涵性慈懿工詩文幼隨父日亨任川南道奢寅倡亂攻臨邛城幾陷亨命

珣速歸滇珣不忍去從父死守邛人爲之感泣事平亨以禦賊功晉黔左轄及崇正元年珣遇恩選學使陳公深器之父卒事母以孝聞初以幼姪爲嗣撫育無異已出旣筮仕築堤緝盜多善政所至有聲居鄉仁厚兵燹之後重修啓聖殿崇祀鄉賢

人物

唐

王仁求

本州人為河東刺史教民以生聚阜財之道賦役均平恩義兼濟人心咸服

風丕變

王善寶

仁求子以雲麾將軍持節河東諸軍事亦有治績

明

施均裕

永樂間以貢入成均聰穎絕人過目成誦文皇面試奇之從大理評事改交趾

道御史按部十七府五州在在懷畏一時吏治振肅論劾立石縣尹王國連不少假借順

化廣威升華諸郡開墾民田數萬畝報命入對欵欵中交趾機宜上嘉之交民相與建廟

安寧州志

卷之七

人物

美

塑像祀之後改按南直復按交趾時益凜不可犯冰蘖之操始終不渝焉

楊

益

字用謙永樂初以貢入太學明成祖夜夢赤龍扈從若扶掖之狀次日視朝察

羣臣無衣朱者公時以國子生隨朝因天寒著赤氈衣於藍衫內上見大悅欲以卿貳入

座待之冢宰以為非宜遂授兵科給事中歷陞工科左右給事中上常召與對奕時以手

撫之恩遇篤至泊仁宣二朝乃出守漢中又調繁成都遂告歸里從祀鄉賢

楊

靖

歷官郎署無間鄉評

張

壽

永樂甲午鄉試第一四為廣文祭酒李時勉翰林孔友諒皆贈以嘉言

楊

景

本郡人事母孝中永樂癸卯舉人為霸州判蘇膝馬之困累後以外艱歸補澧

州判有卒以失牛誣吳姓者牽其牛以歸其人已誣服景疑其枉陰取牛郊坳縱之牛奔

人吳家率乃服罪秩滿擢化州州同會有嗣
彝之亂賊將攻城久雨城浸守將夜縋城以
遁州人震懼景令曰某在無恐時城中民兵
不滿三百激以大義皆願盡力乃撤倉木以
蔽城缺又縛藁人被衣鎧置城上賊夜至攻
甚急有三人緣堞上擒斬以徇賊知有備乃
引去州人皆曰活我者楊公也都督歐信自
高州以兵至會賊已遁乃贈景守忠二字而
置守將于法天順庚辰以老乞致仕過巴陵
自度鄉遠不能歸因占籍焉以子一清貴贈
如其官

朱化孚

號岱晟性聰穎具藻鑑登萬曆壬辰進士初任行人主試黔省得王潘婁諸大

臣及任兵曹上書北闕凡非尺籍什伍而以虛名耗蠹者悉驅除之既掌武選條選六事至今抄選有法成遣有籍併叙有例援納有禁雖更百曹郎無能輕變其法隨有銀夏之

安寧州志

卷之七

人物

七

擢錢穀必清斥埃必謹浮冗必斥至於參黜藩而止營兵之亂司楚臬而稱刑法之清予告歸里結詩社日與親友故人為文字飲繼奉旨講學閭里為樂所著有賁幽吟陽城紀勝行世

羅大用

字汝行號顯齋萬曆乙酉科鄉薦第二初授華容令彼俗獍悍且多權貴用剛

直不阿力鋤豪猾因掛冠歸事父至孝嚴于訓子里人咸以古君子稱之

羅大器

號滄岳萬曆壬午舉人任山海別駕清屯選銳邊關倚重前後薦剡十上適值

權貴高淮肆虐獨力砥柱罷歸士民攀轅載道立祠祀之居鄉二十餘年後復起用歷陞岳州府知府丁繼母艱歸絕跡公門官師鄉黨雅推重之通志入鄉賢

楊

瀚

字宗淵領成化庚子鄉薦歷仕成均持身廉慎不受私謁奉勅褒勸六年擢

府右長史進階奉政大夫

傅以裕 號月川幼有奇質家貧力學無擔石之

所至咸有成效至今人有餘思焉

張光先 身列明經不求仕進開馬帳而科第雲

先生垂今七十餘載久而彌光焉

張輔辰 字天相號訥誠萬曆壬午鄉薦第三任

心宵則光風霽月其品宇則北斗泰山誠螳川雅望云

錢重義 號芳葵以萬曆甲午鄉薦初任大原教

諭陞令沁水多異政年邁乞休義方課子嘗集郡中英才連社讀書後學資其造就人咸思之

安寧州志

卷之七

人物

七

張

鼎

號大鼎天姿高邁才思豪爽以萬曆甲午鄉薦任蕪湖令因強項謫四川幕職

復補麻陽令詩句填詞極工通肖先輩著有詩文若干卷

楊廷光

性淳簡寡交遊尤工文字登萬曆癸卯賢書往往嘯咏山水間卒以詩酒娛老

羅九有

號雲石幼聰穎長於文詞屢舉不第應天啓元年恩選入京授山海關別駕時

以國事捐餉忤撫軍改兩浙鹽運司判公矢志不移復上疏報羨金充餉再忤執政左遷

蜀府審理遂歸里公以長才不遇見於詩歌暮年尤多著作有鼻雷齋集行世

錢慶餘

號善徵天性聰穎長於文學結社讀書一以誠篤相尚及後司教昆陽臨安兩

郡課士有方多登科第至今人頌教澤不衰居鄉恂恂謙厚有古君子風所著有詩藁若

張之珍 字玉溪舉萬曆壬子鄉薦先任綿竹沙

河兩縣俱著循聲崇禎末年報最擢知

裕州時流寇猖獗珍請兵設防傾囊助餉城賴以全

傳 台 字鉉若登天啓丁卯賢書授四川合州

守多惠政歷陞延安府丞丁內艱歸里

恂恂儉約遇之者不識為薦紳云

楊起龍 字見田幼補弟子員天性仁厚好善樂

施人或犯之皆不與校天啓年歲大祲

饑出粟賑貸每歲終鄰里親舊貧乏者餽之

遺欠不能償者焚其券次子泰弱冠登賢書

仁厚相繼 朱 癸 號羅青性莊整登壬子鄉薦初授國子

宦績著告養僑寓江南崇禎庚辰海

寇犯境助餉鼓勵禦寇地方攸賴焉

安寧州志 卷之七 人物 五

會 祺 號無咎博學多才善誘後學為文起衰

振弊不走時徑小試輒冠軍困場屋者

近三十年老而家貧漠然也惟肆力理學晚

年詩益敏捷雄健常托志於山水竹石間所

著有四書管見并詩文若干卷

陳所有 字惟虛性端介寡言笑年未弱冠舉茂

才下帷誦讀六經無不淹貫尤精於春

秋一時知名士多出其門明末閉

戶讀書窮居自樂至今人猶稱之

張所知 字誠我性淳厚尤尚氣節事後母以孝

聞撫異母弟二人皆克成立應崇禎癸酉歲貢司訓雲南縣裁成多士有胡安定風

乙酉冬沙賊之亂所至屠戮丙戌二月縣令衛弁俱聞風潛遁知獨不去遂遇害

羅正符 字玉湯博學工文持身端慤州守貳韓

公稱為天下士旌表其閭流寇入滇遣

偽將曹名臣駐州縱兵搜掠凌虐士大夫符
深憤怒一賊至其家令老僕執斧劈之不中
賊奔告其主縛符
窮治不屈而死

李獻箴字言心性孝慈事親色養撫兄子教育
志益高尚嘯歌自娛不求仕進以葩經教
授生徒至今交風丕變皆由教澤啓之云

李問原字太淳少孤性魯焚膏繼晷力學不倦
故居鄉有王約之風
司鐸倣考亭之法云

羅九鼎字雲嶽天性穎悟讀書數行並下九歲
立服閔閉關習業博覽百家言即岐黃星緯
之學莫不窮其奧旨事母至孝撫弟九功九
圻友愛篤摯兩弟先卒撫孤姪如已子生平
無一妄語舉明經長子天柱次孫允怡皆躬

安寧州志

卷之七

人物

李

自課誨相
繼成名

楊泰字天開自幼聰穎力學足不出戶庭年
二十舉崇禎壬午鄉薦父卒哀毀踰禮
終身思慕不如葷酒不衣絹帛友愛伯兄家
產多所推讓妻亡義不再娶

本朝開滇委攝維摩州事清廉愛民多善政歸里
後甘貧講學舉貢多出其門著作甚富有虎

丘溫泉志
藁藏於家

施耀魯字泗水早孤事母至孝性嗜學善舉業
多所著述携子遊學遠方年七十終於

安南

丘光耀字燭東性敏慧潛心理學一時子弟師
縷晰沛若懸河持躬勵
行率多不苟雅足重云

陳蒙俞

字者受少性魯攻苦不輟撫弟友愛田產悉推與之家雖貧漠如也及魁順治

辛丑鄉薦司鐸曲靖訓課有方士之貧者周之捐貲修建曲靖府學并明倫堂兼修本州

學東廡猶為不朽云

段

紫

字元祉為邑庠生恂恂然寡言笑父病侍湯藥衣不解帶處兄弟間推多受少

備極友愛自幼雅好岐黃之術尤精小兒痘疹諸科購藥救人未嘗取值親故病者雖暮夜亦必往視老稚之痊活者甚衆歿之日閭巷童叟無不墮淚子拱新膺恩薦受榮封兩孫昕曦相繼成進士人皆以為盛德之報云

陳

瑞

字西籛中順治辛丑鄉試居家孝友處物謙和性遲鈍讀書備極攻苦司鐸元

江課士有聲甫及一載卒於官元士至今思之

安寧州志

卷之七

人物

三

羅天柱

字左華中順治辛丑鄉試孝友謙和品高望重司鐸石屏刻期課士文風丕變

州之科甲相繼而起咸出其門晚年著作甚富存有式教堂文藁

楊汝翼

字賢佐中順治辛丑鄉試性肫摯事親以孝稱撫諸弟極友愛年終餽遺親友

歲不少倦司鐸河西勤於課士署縣篆有聲士民歌之以九十九上壽終焉

張慎餘

字不咎中康熙癸卯經元少孤育於祖氏性穎悟讀書過目輒能記誦甫弱冠

即蜚聲聲譽序為士林冠冕及司鐸激江人士蒸蒸蔚起如李瀛仙謝若思諸俊彥悉受業

焉歸里後以成就後學為已任孳孳訓課不倦人推為舉業正宗云

陳玉書

字宣麟中康熙乙酉科副榜少嗜學文行兼優通五經後學多師之刺史高公

軫甚雅重其為人

李

楷字肅侯學問淵博尤長於史每論古之

場屋僅薦明經鄉人士皆惜之其教人各因

才性所近多所成就及門中如朱君瑛為名

孝廉如段君昕曦兄弟為名進士至遊庠歲

友教世

其家云

段拱新字捷元恩貢生品行端方見義勇為教

祝孺慕至老不懈學友趙廣生病危以妻子

託即舍館其家教誨經理之子成立然後歸

且淹貫經史於文章總督蔡公奏建昆

明書院延為山長一時登甲乙榜者多出其

門暮年除永平教諭辭不就舉鄉飲大賓年

益高行已益淳謹接物益謙摛總督郭公每

舉共品為通省紳士矜式子二昕曦皆登進

士載通省志

戴益俊字爾光生而奇嶷事父母出必告入必

藥必親嘗視親意所向委曲而承順焉弟妹

婚嫁以身在家貧多所借貸不令雙親知同

居不別爨不私蓄分痛分甘孝友聲重於鄉

里且砥節礪行有篤行君子之風博極羣書

文藝淵廣其詩賦古詞人爭傳誦少以大石

為視積數十年而深窪將穿兩迤知名士爭

與交遊子國憲登賢書公僅以恩歲進士終

鄉人咸惜之

段

昕字浴川拱新長子康熙庚辰進士孝友

城縣民健悍習鬪公廣置庠塾構五子書分

給書社課以孝弟忠信之行民風丕變邑田

賦不均公清勤欺隱配糧以困刊給田式一

治賦無偏重俗溺女公感以天性惕以律法

生女始多存者隣郡陳五顯等藉荒肆掠伏

黨於邑公擒之賊畏不入境復請糶減值捐

安寧州志

穀賑饑不及炊者濟以餅餌存活甚衆方三載科道以清廉保舉引見後請歸省世

宗憲皇帝登極以特旨名除戶部湖廣司主事蒞事三月面奏乞致仕還山惟以循

禮讀書教子孫勉族里身不入公府菽水藜藿晏如也著作甚富選文集二十卷選詩集

三十卷詩餘四卷四六瓏珩六卷溫泉圖經四卷子二一騷一驥皆登賢書

段 曦 字晴川拱新次子康熙丁丑進士初任

公蒞任盡革之判事決斷勤敏案無畱牘三年入吏部戊子主秦試稱得士轉選司一清

陋習尚書傳公以清慎薦擢臺員巡中城時內府包衣人竝內監以從駕避暑辦理車

輜而短扣脚戶價值公特疏論之直聲振中外川撫以限墾請立勸懲之法公疏謂川土

久荒招徠隨墾為便若立法太嚴州縣顧惜考成必多捏報攤派之弊俞允報罷諸所

安寧州志 卷之七 人物 李三

論奏皆稱自朝論一時推之以徵誤總憲升喬趙公摺保不省歸里十年世宗憲皇

帝登極特召補臺員許密摺言事多所條奏不敢存稿丙午以御試一等主豫試復

命日即乞身得致仕公識見高明持身清慎遇事敢言臺端不愧有浴日詩集子一麟登

賢書

文學

趙珣事詳人
物傳

李獻箴詳人
物傳

李維玄字自邇好學能文每試高等晚
年詩酒自娛人比陶淵明云

施耀魯詳人
物傳

錢慶餘詳人
物傳

羅肇龍字雷輪幼勤學性耿介善事
孀母撫弟姪成名族黨稱之

張所立字一我工學善書事
兄甚謹時稱二難焉

陳箴字丹辰家貧力
學名著藝林

安寧州志

卷之七 人物

六十四

李問原詳人
物傳

朱茂字衍昌善文工書與弟重互相師
友沙酋之亂辟地順寧因家焉

李大亨字貞吉天性醇樸有古風年七十餘猶
手不釋卷同里中耆宿嘯歌自娛人擬

以香山
九老焉

李維默字德耀弱冠為諸生下帷力學早著才
名明末與兄卜居村舍友愛篤至有仲

海之
風焉

丘光耀詳人
物傳

段珮詳隱
逸傳

蘇傑字子興幼失怙事母孝性樸直人有過
即面斥之喜排難解紛鄉里咸雅信焉

羅九鼎 詳人物傳

陳苞 字天慶丰姿俊逸翰墨之間尤瀟灑

楊琛 字文石溫厚恬雅安貧好學隱居村落不求名利夫妻相敬如賓有梁孟遺風

郭嶷 字峻若性嗜學潛心書史年八十猶攻不輟

曹擢 字我陞天姿穎異過目成誦家極貧陋巷飄搖饑殍每缺處之裕如年垂九十

朱澤遠 字兌吉性敏嗜學髫年遊泮文章饒有古風

竇成錦 字公肅少苦力學善屬文鄰封英俊咸師資之

董再舒 字衍儒年十六補弟子員家甚貧而二親甘旨不缺葬祭如禮夫妻力作無怨

有於陵仲子之風而無其矯

安寧州志

卷之七 人物

六十五

張懷明 字居如性簡靜讀書不問窓外事文章之暇輒歌咏自娛

李恪 詳隱逸傳 陳瑄 字華錄嗜古好學與弟璠齊名

包璿 詳隱逸傳 李楷 字肅侯

朱蘅 仕崇禎中翰後流寇入滇遇害 李達原 字志長

楊優選 字喬也

張孔賢 字伯皎性簡淡髫年補弟子員即知名生平與物無忤晚年教授生徒多所成

就者焉

武靖 字澹候性穎悟豪爽為文精警渾灑有震川風登順治辛丑鄉薦任陽宗教

諭課有方文風丕振

羅昌濬字長源本朝歲貢生天性謹飭謙慎言

成一家言督憲王撫憲石皆敦延為子弟師任劍川訓導課士以經義治事分教有

胡安定風

陳錫字文孫品行矜貴姿性淵穎讀書能解

辭亦倔強有奇氣歷試多冠一軍吳越齊魯

酒早起玉樓之召不及以各業顯於世揆其風概殆與蕭穎士徐文長相伯仲云

周屺字子瞻康熙丙子舉人性孝友立品端

國士之目五上公車屢薦復失困于額也受經之士遠近成就甚多著有得山詩文等集

家藏

安寧州志

卷之七

人物

六

楊邠俊字燕翼甲子科舉人讀書設警枕文章

怡如也四任學博擢蓋平令多惠政

羅允怡字仲和庚午科舉人天性真摯言笑不

永北廣南兩府教授皆有教澤

朱瑛字蘊璞丙子科舉人性高爽言動軒如

石隸縣卒於官

李嗣奎字燕貽丙子科舉人性穎異豪爽幼孤

書院師後學賴其啓迪任雲州蒙化學博

包曰亮字蜚庵辛卯科舉人學問淵博詩文有風雅體裁性高岸昂昂鶴立人咸重之

戴體元字任君父天中以學行自勵書者稱曰

以兩言為佩言笑不苟取與無私足不履公

庭卓然自命日惟潛心書史沉酣理學富

三冬屢科不售庭訓子孫以飭廉隅言行

為先務而文藝次之後進多被裁成平益後

益懋益高皆成名國憲成憲皆其也後

門人稱為文莊先生

陳玉振字鳴球璽之子孝友端謹言行循矩履

績學有文名乙酉同子响登賢書除太和教

諭捐修文廟書院教人以器識文藝並進

時士風

丕振

楊方震字儼若秦子歲貢生性聰穎能文章試

平無疾言怒色司訓平彝以實行為教兼嚴

課試循循善誘以老致仕歸閭庠人士咸稱

安寧州志

卷之七

李

道楊先生

教澤不衰

陳响字邃崖王振子性穎異弱冠文名藉甚

俗士伍居貧守約泊如也舉乙酉鄉薦人情

其晚與父玉振舉同門士共羨焉

陳峻德字載極甲午舉人性孝友天資穎異精

多所成就乙未上春官已受知於王司感目

疾不克終試時從兄故學上時夏巡視南城

強留都下期以次科必遇顧念母情切遂拂

袖歸痛少失恃事兒至敬事無大小惟兄命

是承終身嗜學常攜筆硯隨身錄遺經解筆

錄記之著作甚富有四書異言錄遵經解筆

文集富春堂窓前草詩

文共五十二卷藏於家

孝義

張

翥

本庠增生天性篤孝事母晨昏不倦父疾刲股嘗糞求以身代及父卒廬墓三年州守唐公嘉之萬曆間具題旌表

楊

恩選

任經歷性至孝每得蔗菓未奉親不敢先嘗父宗學寢疾選每夕稽顙北辰求

以身代後父疾轉劇刲股煎湯以進是夜夢神告之曰汝父疾已不可起緣上天鑒汝真

誠為延父算一紀父疾果廖州守鍾公具詳旌獎

蔣崇德

本州庠生母曹氏疾危刲股療治孝感上帝是夜母獲回生復延十二載具

題旌表

包世熙

庠生少孤天性純孝居鄉未嘗忤人事母四十餘年先意承志母數遭危疾兩

安寧州志

卷之七

人物

李

刲股以痊孫風者題表其門後部給遙授訓導

張

棟

貢生少孤事母純孝家貧而甘旨無缺母疾清夜刲股延母壽十餘載友愛二

弟常傾囊助之屢空弗怨孝友之風為鄉黨所推重

朱

荃

初訂婚昆陽陳氏未及娶隨父僑寓江南色養承歡不忍歸娶父疾荃刲股得愈了

酉王自奇之亂荃寓大理趙州被執仗義不屈飲毒而死

郎朝柱

庠生幼孤事母極孝撫姪猶已出且敦篤宗誼年九十有九鄉黨咸以孝義稱

之

陳遠道

事詳鄉賢

袁

弘字世輔家世學儒以少遭喪亂不克竟
師復滇時逆兵殘騎與魯奎野賊肆出擄掠
民不堪命弘間道赴大將軍營投誠請令招
安禦侮寇賊搶攘之際城賴以全復請令牌
直入魯奎賊窟要釋隣境婦女千計以歸各
還親族其父母有持錘泣謝者概不受且事
母孝輔弟友與人交謙和不欺時能緩急人
有古豪士風

張書紳

先世業儒至紳以家貧服賈逐什一友
愛二弟於未經讀書之拱紳分本逐未
代為持籌以成苟合於才可讀書之應紳擇
師取友供給遊泮拱紳壯亡於弟婦弱姪愈
加親愛弟婦成節待 旌孤姪讀書入泮
皆書紳力也前任程公有孝友之獎閭州紳
士有為仁之本之贈

安寧州志

卷之七 人物

卒九

吳

讚藩掾吏性謹慎謙恭友愛兄弟或推多
讓業或供給成名且好義樂施鄉里咸
稱美之

吳

芹性謹樸好善捐貲造石橋二座里人德
之

忠烈

張所知

傳見文學

羅資袞

事詳賞忠

節烈

趙文秀妻楊氏

夫亡教子志操無替事

聞旌表

王璽妻李氏

年十九夫喪伏棺慟哭欲繼以死母武氏以有遺腹曉之乃止遂茹

蔬斷腥每食必薦于主後雖生女不以易也歷四十年終萬曆十五年具

題旌表

楊天爵妻張氏

夫死無子寡居者三十八年

陳孟章妻田氏

孟章為南戶部主事先娶楊氏女繼娶田氏七載孟章故氏年

二十一號哭欲絕刺面毀形敬事若翁撫育子女寡居四十年時易門土官王一心叛聞

安寧州志

卷之七

人物

一

氏色美率人馬至其門欲劫之三日不去田氏閉門拔刀欲刎以死自誓萬曆三十一年

旨旌表建奇節首褒坊于其門

趙芭女淑姐

年十四許聘未歸鳳賊之亂慷慨自誓以衣蔽面投河而死事聞奉

旨旌表暨烈女坊于其門

楊師程女楊氏

御史公早卒氏始八歲天性至孝事母謹篤天啓癸亥母病醫

弗效割股煎湯母病遂愈氏時年十五崇禎巳巳母復病氏割股凡四次及笄適昆明吏

部驗封司郎中施公長男以母病憂患成疾先母而死

陳應賢妻董氏

教授董維之女年二十六而喪夫絕粒數日甘誓一死值子幼

家貧紡績以供兒讀歷艱茹苦五十餘年事繼姑朱氏以孝聞崇禎庚辰鄉人舉其節撫

按具
題旌表

羅天文妻洪氏

聞沙首叛亂氏即以利刀藏身
後為那首馬提調所獲夫遂隨

後賊欲兵之氏給之曰此非我夫也及將人
賊門氏大聲遙呼其夫曰汝自放心歸吾必
不負汝也遂舉所佩刀自刎死州守
渭源張公立石表其墓親往祀之

楊昭妻彭氏

年三十六歲戊戌年避兵山中
見兵將至遂投河而死後屍尋出

面色如生州守渭
源張公聞而旌之

孟之功妻郎氏

年二十六歲戊戌年潰兵入宅
氏恐不免遂越牆出投河而死

州守渭源張公題
死節之額表焉

董紹舒妻郭氏

生員郭邦翰女年十四歲適紹
舒未滿三載夫故氏孝孀姑堅

安寧州志

卷之七

人物

七

苦守節三十餘年州守陳公
具文通詳旌其額曰節孝

楊思恭妻傅氏

教授傅九章女鄉薦楊汝翼祖
母也年二十有七夫疾視天願

以身代夫歿矢志欲以身殉卒以姑老子幼
木果兢兢守節五十四載內外稱其貞烈其

子宗魯婦陳
氏亦以節著

楊宗魯妻陳氏

亦名家女年二十四歲夫歿事
孀姑撫幼子貞信自誓四十餘

年乃
卒

朱敬修妻孔氏

壽官孔學易女年二十五歲夫
歿撫兩幼子俱成名四十餘年

柏舟自矢壽八十三歲終後
以次子重官至府同贈宜人

趙宇妻楊氏

司吏楊會宸女年二十四歲夫故
守節誓不再嫁經四十五年卒時

六十
九歲

李焯元妻陳氏

選貢陳苞之姐年二十有七夫疾不起氏告天剖股求以身代

小愈數日復殞誓不再嫁年八十歲終

謝滌妻朱氏

拔貢朱重女夫故氏年二十六歲堅心守節僅一子為潰兵所擄立

姪為嗣孝養孀姑母死借貲備棺安厝鄉里欽之年七十餘歲終

李恪妻楊氏

經歷楊臻女丁亥年避兵曹溪石洞遇賊投崖死

楊廷儁妻楊氏

丁亥春聞流兵到黔氏即與女適羅肇龍者商盡節計遂繳線

為繩以一授其女一佩其身時刻以死自誓及流兵到省竟同女扃戶自縊

任允昇妻趙氏

鄉紳趙珣女新婚三月避兵五道河依石穴以藏為隔岸亂兵

安寧州志

卷之七

人物

七

所覺欲渡氏遂拜辭翁塔躍入深水經七十四日始獲其屍面色如生

楊恒謙妻張氏

生員張修幼女于歸未滿一載丁亥年恒謙奉文往省交印被

難氏聞即時自縊死之

張氏

生員張維樞長女年二十一歲隨夫避兵羅衣島被獲兵欲污之氏不從被刺死下

崖下

羅九圻妻周氏

養姑事父克盡婦道年二十七夫卒旬日不食每欲以身殉之

時當寇亂家道蕭條氏績紡以供饘粥教子天疆讀書入泮年六十二歲而終

曹小姑

庠生曹賞之女大賓孫女也年十五未字有殊色丁亥流寇入滇賊帥曹名臣

駐師安寧賊兵驕橫騷擾居民時一兵居女鄰瞰室中無人遂踰牆持女女度不免給之

曰我處于也父母遺體豈可暴露于日光下願就暗室中相從可耳兵從之女入室自刎死而

陳瑞妻施氏年二十八歲夫卒茹苦守節志凜

之稱

楊攄妻蘇氏方明經蘇恩女也相夫七歲夫亡氏

盡婦道生子居業夫亡時甫五齡撫育成人中康熙癸酉科武鄉試於康熙四十五年奉

旨建坊旌表

朱荃妻陳氏昆陽宦族幼訂婚荃值荃隨父江

議另婚陳載髮誓不從陳公封其髮達江南荃感其義問道歸娶及荃死節陳攜孤避難

安寧州志

卷之七

人物

七

適潰兵四出陳歎曰吾義當死矣乃託孤于從兄陳調元絕粒而死

羅肇龍妻楊氏舉人楊達雋女崇正末母楊氏

至卽以繩自縊死

毛翰妻劉氏年二十八歲夫卒子甫八月矢志

題准奉旨旌獎

曹琛妻施氏年二十八歲夫卒守節四十四年

題准奉旨旌獎

張拱紳妻羅氏年二十六歲夫卒事翁姑撫孤

王來儀妻董氏年二十歸來儀相夫一載生子王溥夫卒家無餘石儲晝夜盡

力女紅育孤子為之聚妻子隨沒氏拮据撫孤孫守節七十二年九十二而終州守何公

題 中詳撫憲侯 旌獎

羅天疆妻周氏 年二十六夫故家貧紡績撫孤矢志不移四十餘年祀三綱祠

陳舜賓妻陳氏 氏與舜賓不同族年十七歲于歸性淑慎貞烈事舅相夫無忤

色舜賓病故視殮即投井以死殉遇救得甦數日後葬舜賓畢歸家即自縊死年二十三歲

楊文炯聘妻賀氏 氏歲貢生賀國寶女年十七受文炯聘未經于歸文炯沒

氏強同母往弟祭奠後即守靈不歸以死自誓今守節二十五年親族罕見其面

李涵妻羅氏 年二十二歲夫故無子恒產赤如親里憐其年少艱難微諷以改節

氏持刀慟哭以死自誓閉戶以女紅力養姑親族罔識其面守節三十二年

安寧州志

卷之七

人物

七

吳哲妻李氏 年二十歸哲二十九歲夫沒今守節三十五年

羅蕃昌妻王氏 年十六歸蕃昌二十九歲夫沒今守節三十二年

李中楷妻劉氏 年十七適中楷二十九歲夫沒子僅一歲苦志守節三十一年

楊愈椿妻楊氏 年十六歸愈椿二十九歲夫沒今守節四十一年

李森然妻余氏 年二十夫沒今守節三十年

蘇承軾妻楊氏 年十八適承軾二十二歲夫沒遺腹生子夜績朝耘仰事俯育

今苦節三十二年

武貴妻趙氏 年十六適貴二十一歲夫沒幼家貧矢志守節今三十七年

李亦邕妻王氏 年二十九歲夫沒守節三十三年

蘇潤源妻周氏 年十八 歸潤源相夫一載 潤源

生子矢志不再 適惟紡績以供養育 姑歿喪 葬如禮 教子遊泮 守節三十七年 撫憲准詳

題旌獎 候

朱元文妻楊氏 氏江南石埭縣楊榮祖女 年二十 適夫元文 翁瑛為石埭縣令

卒於官 閱七載 夫亦縶歿 子石麟甫三歲 氏 安寄兩柩 績紡撫孤 堅志回柩 哀控 督撫

下其狀於州縣 紳士各捐賻贈 因得攜孤 扶 柩關萬里 抵家 闔州稱服 州守何公嘉其

節孝 旌 以賢能

郎士選妻王氏 史員王容女 年十七 適夫 未三 載 夫歿 悲痛幾不欲生 以遺腹

勉存 既生子 勵志守節 撫孤成人 歷今三十一年 州人咸稱美焉

安寧州志 卷之七 人物 三五

吳苔妻羅氏 州民羅繼聖女也 適夫未久 遭兵 亂 從夫避兵于古篋 箒被擄 賊大

肆擄掠 將夫失散 氏恐為賊所污 路經河灣 氏遂投水而死 厥後族中人得其屍於壩上

面色如生 衣亦不 敝 州人至今奇之

羅資晨妻段氏 御史段公曦女 性貞淑 柔靜 年十 八 適資晨 方四載 資晨以辛卯科

亞元 沒於山左 氏誓死守節 茹苦不移 教子游 庠 自甘紡績 今二十七年 候舉待 旌

羅拱垣妻段氏 年十八 歲適夫 羅拱垣二十歲 夫 故 氏績紡撫孤 守節三十年

隱逸

李

恪字儼思別號梅岑性簡靜好學博覽經籍日記數千言工文善書尤長于詩賦

自命甚高不交俗士少時家最貧授徒以資薪水雖四壁蕭然而嘯歌不輟後遠隱青蛉結廬波湖山下杜門著書年踰八表才思益敏生平著作極富人爭購而藏之

包

璿字星玉負氣節善屬文工行草書法嫻于吏治歸里後家貧閉戶讀書不事干謁通曉邵子皇極經世觀物內外篇別有慧解以恬退終其身卒年七十有墨跡存于世

段

珮字文玉性朴直有古人風博聞強記喜獎勵後學屢困秋闈遂絕意仕進常講學於雲澂間從遊者甚衆晚年隱居晉寧之盤龍寺日以詩酒自娛刊有孝弟忠信禮義廉恥八箴勸世年九十有二無疾而終

安寧州志

卷之七

人物

七

李發皇

字挹一性狷介寡言笑讀書甚專有漂麥風行文思若湧泉以親老絕意科名足不履塵市甘貧守道老而彌堅

方伎

郭寓民

字螳洲少業儒繼業醫能察標本精味訣以意用方不執方以治病所治輒效

人有延者昏夜必趨視贖藥竟不計值岐黃術中卓品也受冠帶榮身卒年九十有七

武

恬

性奇僻好酒不治生業家甚貧能以火炭畫竹作箸為人物山水極精工聽其

自為之可得然酒狂輒將所畫者付之一炬即王公不能逼也天下爭重其所製之箸武

定太守正庵顧公稱為異人為作詩歌以贈之

黃景文

精方脈能治奇疾活人甚多延治者無分風雨不責酬謝鄉人咸推重之

郭昌明

世業醫學明藥當州守何公亦雅重之

仙釋

安寧州志

卷之十七 人物

七十七

元僧無照

別號玄鑑曲靖普魯吉人父仕元生照于安寧方離襁褓即閉目跌坐髫年依

本郡虎丘寺雲巖薙髮遊荆楚為臨濟二代祖師歸滇修建安寧虎丘山妙果禪寺

蘇忠生

元末人事母極孝性喜飲放達不羈家貧力學諸子百家無所不究負母入岱

歲山中結廬耕食自娛得異人授役龍術松林村田苦無水即鑿龍泉清冽異常灌溉山

田凡數十頃一日元使者賫金帛往名蘇惟應諾教使者于山中至夜半星宇四圍俱金

龍遶現有吞壘狀使者駭而逃焉里人稱為真隱先生云

萬

卉

龍應山釋子童年即誓嘗背誦華嚴經八十一卷滔滔如湧泉李卓吾先生謂

卉濁契禪宗萬曆八年特書信庵二字遺之

張善信

通海人寓安寧口誦經不輟後遇異僧携至天竺示以蓮臺善信見為火坑不

政登僧胎上一撮水一瓶以歸久之大悟宗旨居二十餘年化去人取土塑像傾水于地遂湧甘泉至今不竭

真空 結舍于法華山間朝夕參悟十有餘載

贈之

羅國珍 本州人崇禎間築屋于永安橋側日拾

毀骨立未死前數日往辭州守曰某日道人欲回去人啞其癩至期黎明坐橋中念佛閣

榔往觀有讚其生面方者珍頓足日即此便是言訖而逝

向和尚 湖廣人先為營卒不茹葷酒守州西門

不倦嘗欲出籍為僧主將不許後哀懇至再乃得削髮于龍應寺四官殿外結草為廬僅

安寧州志 卷之七 人物

七

可容膝毀無僧亦無常住向或十日或五日一入州城募化得錢准買香燈供佛得米歸

下山入城遞辭州人云明日貧僧告辭矣州人

不以為意詰朝趨視端坐而逝面色如生

廣善 世習儒業幼為私諸生天姿筆力卓然

不羣性恣慧志遊方外禮義印和尚因薙髮焉道行孤高終于虎丘僧舍

性徧 號水谷昆明人姓嚴氏母夢白雲繞室

徧而生恒哭啼有老僧摩其頂遂止及壯祝髮於洪如受法於余山二尊宿戒行精嚴

法願洪大癸丑吳逆亂兵入蜀枯骨遍野師率徒眾具蠲褻糧隨方瘞掩數年不懈時

大憲皆敬信延訪為方外交州境之曹溪雲壽二刹皆其所修創年七十端坐示寂徒眾集有獅山徧師語錄

流寓

漢

蘇文達

不知何許人東漢建武丙辰歲公隨伏波兩征交趾事平班師瘴發不能歸疾

愈遂為散人邀遊山水間明帝永平戊午適滇至新羅邑即今安寧與郡主阿樹羅為友

樹羅乃阿育王流派也文達後以疾終于此樹羅立廟祀之相傳溫泉乃公所開云

明

楊

慎

成都人正德辛未殿試第一授修撰議禮廷杖謫戍永昌通歷湖山喜安寧山

水清曠遂僑寓焉以詩酒自娛輒揮筆淋漓人得其片紙藏為至寶從遊甚眾若丘

月渚楊墨池張松霞輩皆出其門建升庵書院于城北今無存

安寧州志

卷之七

人物

堯

陳振琦

字二韓浙江黃岩人博洽能詩尤精鍾繇書法結社為文字飲一時風雅宗之

由任州守僑寓堂城今羅青山下有二韓先生墓

安寧州志卷之三

祥異志

嘗攷周禮保章氏以五雲之物辨水旱吉凶豐
歉之祲此祥異之所由紀也然祥異之兆原不
虛生故洪範有云乂時暘若休徵應也僭恒暘
若咎徵應也詎非理有固然事有必著哉安寧
素崇質實不侈符應而日星雲露山川花木祥
異歷載簡編是豈徒爲炫異者之爭傳誠以氣
化所推而和氣致祥乖氣致異君子當有惕若

安寧州志

卷之七

祥異

八十

之思焉志祥異

明隆慶四年六月大雨浹旬淹沒官民廬舍十之

三

萬曆十九年火災延焚民屋數十戶

三十四年冬天出異星見於西北長三丈光射
東南有二星隨之未幾武定有鳳賊之變

四十八年秋霖雨連綿洪水橫溢沿河民居田
禾沖沒甚多是年米貴民多菜色

明天啓丙寅正月州人於虎丘建松華會至初九

日天初曙時異香襲人林木間放五色瑞光狀若綵毬繽紛錯落照耀殿庭移時乃隱遂建聖瑞靈通閣於其地

城西洪源門外有水塘一泓廣寬畝許其水四時潢濁父老相傳水清州有發甲者崇正辛未正月忽水清三日其年石寶陳先生聯捷南宮崇正甲申歲三月忽有異鳥高五丈餘集於水塘非鶴非鶩不蜚不鳴聚觀者日數百人兩日後不知所之迨夏旱秋靈及冬沙賊作亂龍會

安寧州志

卷之六

八十一

乘機劫掠民遭其毒

本朝順治十八年學宮文廟殿前古柏樹葉上有露纍纍凝結如貫珠嘗之味若飴人咸異焉是秋膺解額者五人中副榜一人

本朝康熙三十年六月州西門外羅青山無雨而山腦忽崩長數十丈廣二丈許陷下深八九尺至秋靈雨不止洪水入城沖倒民居近河鹽場鍋土漂沒過半兩岸田禾盡損秋成無收

康熙三十二年學署中梅花樹下產靈芝一本

金莖紫葉光彩絢爛學師李鏡報文 上憲咸
稱異焉後甲戌丁丑庚辰登進士者三人以爲
瑞應云

雍正六年十月彩雲見

安寧州志

卷之七

祥異

全

